

SPORTverslag

Ligaspan kry lelik pak

Heilbron se ligaspan het vanjaar se liga nie goed afgeskop nie. Hulle het verlede Saterdag met 'n telling van 15/3 verloor teen die span van Frankfort. Alhoewel Frankfort die tuisvoordeel geniet het, kon die Heilbronners nie hond of haar afmaak nie. Plaaslik het Arnold Saaiman die kompetisie gewen met 24 punte en Steve Maloka was tweede met 22 punte. RJ Muller het ook weer sy swaai gevind, hy was derde met 20 punte.

Hoërskool Heilbron bied hulle jaarlikse borgdag aan op 1 Februarie. Vir die wat nog nie ingeskryf het nie, daar is nog plekke beskikbaar. Skakel gerus vir Surene Strydom by 082 854 6469.

Die volgende ligawedstryd is op 8 Februarie te Harrismith, en dit blyk of daar heelwat veranderinge in die span sal wees.

Die Sundowners van Vaal Driehoek kom op 22 Februarie hier speel. Die baan speel seker die moeilikste in jare, na al die welkome reën en die digte gras. Die setperk-snymasjien het ongelukkig gebreek, maar behoort teen Saterdag reg te wees, aangesien die setperke huidiglik baie lank is. Wat môre se spel betref, inskrywings is 11:45 vir afslaan 12:15.

Die Joker-pot is nie verlede Saterdag gewen nie en staan tans op R3300. Wees Vrydagaand daar, daar sal ook kos wees vir dié wat honger is!

Heilbron krieketklub begin T35 liga teen Vanderbijlpark

• Pieter Baan

Heilbron het loot gewen en eerste gekolf met 'n telling van 153/6. Ongelukkig het die wedstryd uitgereën en is die punte gedeel.

Die volgende liga wedstryd is teen New Vaal by Hoërskool Heilbron se veld om 13:00. Kom ondersteun gerus die span.

Score Card								
1	Dylan Winkler	Caught	Quintis Jansen	36	51	2	0	108
2	Cloete Van Wyk	LBW	Morne Busse	11	24	0	0	50
3	Ifran Arshsad	Bowled	Morne Busse	23	17	1	1	33
4	Wikus Van Wyk	Caught	Brian Busse	19	27	1	0	37
5	Geo Davel	Caught	Brian Busse	18	20	2	0	30
6	Shane Petzer	Bowled	Hennie De Bruyn	4	9	0	0	11
7	Ali Asif	Not Out		6	17	0	0	178
8	Pieter Baan	Not Out		15	24	2	0	171

JAARPROGRAM : 2020 RIEMLAND JAGTERSVERENIGING

DATUM	BESONDERHEDE	TYD
1 FEBRUARIE	PRETSKIET	09:00
15 FEBRUARIE	.22 EN JAGGEWEER SPORTSKIET	10:00
7 MAART	SKIET OEFENING	09:00
14 MAART	.22 EN JAGGEWEER SPORTSKIET	10:00
18 APRIL	RIEMLAND OPE PRYSSKIET	09:00
24-27 APRIL	HUNTEX	
23 MEI	CHASA KWALIFISERING / VERBETERING	09:00
30 MEI	BLOEMFONTEIN-INTERTAK SPORTSKIET	
6 JUNIE	.22 EN JAGGEWEER SPORTSKIET	10:00
25 JULIE	OVER UNDER SPANSKIET	09:00
15 AUGUSTUS	.22 EN JAGGEWEER SPORTSKIET	10:00
29 AUGUSTUS	BOSVELD OEFENING	09:00
5 SEPTEMBER	JEUGSKIETDAG	09:00
26 SEPTEMBER	INTERTAK SPORTSKIET : BLOEMFONTEIN	
3 OKTOBER	GROEPERING SKIET	09:00
3 OKTOBER	TROFEE MEET	09:00
17 OKTOBER	.22 EN JAGGEWEER SPORTSKIET	10:00
6 NOVEMBER	JAARVERGADERING : RIEMLAND TAK	18:30
21 NOVEMBER	"D-DAG" INDIEN VAN TOEGEWYDE JAGTER STATUS	
31 DESEMBER	LEDEGELDE VIR 2021 MOET NOU BETAAL WORD	



Valsrivier kompetisies

Eerskomende naweek

Alhoewel die 2020 rolbal-seisoen reeds gedurende September begin het, is die 2020 kompetisies nou eers besig om momentum te kry. Noord-Vrystaat mans- en damespare is gedurende die naweek van 11 Januarie gespeel, alhoewel Heilbronspelers nie as winners of naaswinners geëindig het nie, het hulle hulself goed van hul taak gekwyt.



Kitty Naude

Hierdie naweek word Valsrivier se mans- en dameskompetisies hier by Heilbronklub aangebied en die bestuur wil regtig 'n beroep doen op oudspelers en belangstellendes om te kom kyk hoe spelers van verskillende klubs teen mekaar meeding.

As die ouderdomme van Heilbron rolbalklub se lede

ontleed word dan is dit omtrent 'n "mengelmoes kardoos" van jonk, 15 jaar, middeljarig en lede wat bietjie verder as middeljarig gestap het, asook ons senior lede, daarom is dit vir die klub 'n groot voorreg om te kan sê dat een van sy erelede, tannie Kitty Naude onlangs haar honderste verjaardag gevier het!

Die beplanning vir die deurnagkompetisie wat op 28 Februarie aangebied word is besig om momentum te kry.

Die goeie reën van die afgelope weke het ook meegedien om die baan in 'n uitstekende toestand te kry en sosiale spel op Woensdae en Saterdag word baie goed ondersteun met soveel as 22 lede wat kom speel.

Heilbron • Edenville • Frankfort



Hugo Groenewald
082 569 7205

Kontak hom gerus vir enige Lewendehawe bemaking, Uit-die-hand-transaksies of veiling navrae!

www.vleissentraal.co.za

VLEISSENTRAL
JJ Hadebestraat 97,
Frankfort, 9830
Sel: 082 569 7205
Kantoor: 058 813 1067

